



# Ishonch

Gazeta 1991-yil 21-martdan chiqa boshlagan

2011-yil 24-fevral № 24-25 (2906) payshanba

## Бир ўлқаки, қишлоғарда шивирлар баҳор



4-5-бетлар

### Уч томонлама шартнома амалда

3-бет

Маъмурият битирувчиларни иш билан таъминлашга жиҳдий масала сифатида қарамоқда. Тиббиёт муассасалари ва туманлар бандликка кўмаклашиб марказлари билан ҳамкорлик ҳамда уч томонлама тузилган шерикчилик шартномаларига кўра 2009-2010 ўкув йилида тиббиёт коллежини битирган 482 нафар ўғил-қизининг 459 нафари иш билан таъминланди, уларнинг айримлари таҳсилни давом эттириш учун олий ўкув юртларига ўқишига қабул қилинди.

Жорий йилда ҳам коллежни 480 нафар ёшлар битиради. Шу боисдан колледж раҳбарияти ҳозирданоқ Шўрчи, Олтинсой, Кумкўргон, Жаркўргон туманлари тиббиёт бирлашмалари билан ҳамкорликда уларни иш билан таъминлаш чора-тадбирларини кўрмоқда.

### Ўзбек пойабзалининг алп одимлари

8-9-бетлар

Йил мобайнида 19 лойиҳа бўйича 18 млн. АҚШ доллари сарфланиб, талай корхоналар модернизация қилинди ва 13 та корхона янгидан бунёд этилди. Фарғона вилоятида «Болажон орзуси» (болалар оёқ кийими ишлаб чиқаришга ихтисослашган), «Аюқа текс», «Сабо пойабзали», Самарқандда «Аср экспорт», Жizzax шахрида «Ўзбекистон — Туркия» кўшма корхонаси, Тошкент шахрида «Амр Феникс Плюс» каби янги корхоналар ташкил этилди. Хоразм вилоятида кўп йиллардан бўён тўхтаб турган, ишлаб чиқариш куввати 400 минг жуфт маҳсулот бўлган «Даритал шус», Сирдарё вилоятида «Пенг Шенг» Ўзбекистон — Хитой корхонаси мажмусасининг 1-босқичи ишга туширилди.

### Сангбур мўъжизаси

11-бет

Одамлар буғдойни ун қилиб эзib, нон пиширишни ўрганган даврдан бошлаб шундай қаттиқ тошни ахтаришган. Эл ўртасида бу тош тўғрисида турли афсоналар тўқилган: Инсон кунжуттошни ахтариб, қишу адир, тогу далани кезади. Ҳеч қаердан топа олмагач, хориб ухлаб қолади. Унинг тушига бир гўзал кийик киради. Кийик тилга кириб: «Эй инсон, ўрнингдан тур! Оллоҳ сенинг хайри иш учун машакқат тортганингни кўриб туриди. Ахтараётган тошинг фалон жода яратилган», деб гойиб бўлибди. Инсон кийик айтган жойга бориб, ерни ковласа, ҳақиқатдан ҳам кунжуттош бор экан. Кўпчилик мазкур мўъжиза юз берган жой ҳозирги Сангбур эканлигига ишонади.





# Бир ўлаки,

Ўзбекистон касаба уюшмалари Федерациисининг Мустақиллигимизнинг 20 йиллигига ҳар бир юртдоши миз 20 тупдан кўчат экиши тўғрисидаги ташаббуси кенг кулоч ёймоқда. Бугун юртимизнинг ҳар бир гўшаси – қишлоқларда, маҳаллаларда ана шу хайрли жараён давом этмоқда.

## Заминимизни боғларга буркайли!

Боғ ва тоқзорлар барпо этиш, мевали, манзарали дараҳтлар, сабзавот, полис экинларини экиш борасида фермер хўжаликлари, давлат ва нодавлат ташкилотлари ҳамда аҳоли томонидан амалга оширилаётган ишларни мувофиқлаштириб бориш учун вилоят касаба уюшма ташкилотлари Бирлашмаси ҳамда Андижон, Хонобод шахарлари, барча туманинада штаблар ташкил этилиб, унга фаол раислар, малакали мутахассислар жалб этилди.

Эътиборли жиҳати, жойларда амалга оширилаётган ишларнинг кунлик мониторинги олиб борилмоқда.

2010 йилнинг ноябр-декабр ойларида ҳамда 2011 йилнинг ўтган даврида 1 млн. 141 минг 200 туп мевали, 2 млн. 45 минг 800 туп манзарали дараҳт ниҳоллари ўтказилди.

Вилоядаги 254 минг 978 та хонадон томонидан 4 млн. 211 минг 300 туп мевали ва манзарали

кўчат ўтказилиб, улар орасидаги мавжуд 408,6 га. майдонга оралиқ экинлари экилди (асосан, буғдор, пиёз). Бунинг учун 9984,1 млн. сўм маблағ сарфланди.

Ўзбекистон касаба уюшмалари Федерацииси кенгаши томонидан тайёрланган «Ўзбекистон касаба уюшмалари Федерацииси V Курултойи делегатларининг Мурожаати» баннер шаклида барча штабларга етказилди.

Шунингдек, вилоят Бирлашма-

си ҳамда қуйи бўғин касаба уюшмалари ташкилотлари томонидан ҳам тарғибот-ташвиқот йўналишидаги буклетлар тайёрланниб, ҳудудларда тегишли ишлар олиб борилмоқда.

**Қодиржон РИЗАЕВ,**  
Андижон вилоят касаба  
уюшма ташкилотлари  
Бирлашмаси маданий-маъри-  
фий ва спорт ишлари  
бўлими мудири

## Ибрат

Балиқчи туманинадаги 43-умумтаълим мактаби жамоаси «Мустақилликнинг 20 йиллигига 20 туп дараҳт – менинг тухфам» умумхалқ ҳаракатига уюшқоқлик билан қўшилди. Ўқитувчи ва ўқувчиларнинг иштироқида ҳашар йўли билан кўчат экиш тадбiri бўлиб ўтди.

Бу ҳақда мактаб директори Одинахон Назарова шундай дейди:

— Муассасамизда 52 нафар муаллим ўқувчиларга сабоқ беради. Улар ўз шогирдларига ибрат кўрсатиб, 96 сотих ерга 1 100 туп бодом, олма, шафтоли, ёнғоқ, гилос каби мевали, арча, каштан, япон сафораси каби манзарали дараҳт ниҳоллари ўтқаздилар.

М.ЭШМАТОВ



## Кўчат ўзимииздан

Избоскан туманининг «Эркин» қишлоқ фуқаролар йигини ҳудудидаги «Гулистон» маҳалласида ҳам кўқаламзорлаштириш борасида салмоқли ишлар оширилмоқда.

Эътиборли жиҳати, бу ердаги деярли ҳар бир оила кўчатчилик билан шуғулланади. Шунинг учун ҳам оиласлар даромади ортиб, турмуши тобора яхшиланмоқда. Маҳалладаги 30-умумтаълим мактаби ҳудудида ҳам баҳорда экиш учун турли кўчатлар парвариши қилиннипти.

Шавкатхон МҮМИНОВА,  
Избоскан туман «Эркин» МФЙ раиси

### Суратларда:

«Гулистон» маҳалласида истиқомат қилувчи Йўлдошвой ота Абдуллаев набираси билан бирга кўчат ўтқазмоқда.  
Абдусаттор Хайридинов кўчатларга шакл бермоқда.  
30-умумтаълим мактаби боғбони Шухратжон Сайдуллаев ва ўқувчилар кўчат парвариши билан банд.



## Рўзгоримиз баракаси

Кўлида кўчат тутган одамни кўрсанг, беихтиёр кўнглинг яшнаб кетади. Эртаниг кўркам боғ, сархил мевалардан нишона – бу.

Маҳалламида 2880 киши истиқомат килади. Мустақилликнинг 20 йиллиги муносабати билан бошлиган ташабbus ҳеч кимни бефарқ колдирмади. Аввало, ҳудудимиздаги 2530 нафар меҳнатга лаёқатли фуқаронинг ҳисобини, имкониятларини чамалаб чиқдик. Энди бу рақамини 20 га кўпайтиринг. Айни пайтда ҳовлиларда жами 23 гектар томорқа мавжуд. Бино-иншоотлар, йўл ва кўчалардан ортиб, яна 20 гектарга яқин жой аниқланди. Мана шу ерга бемалол мевали, манзарали ҳамда курилишбон кўчатлар ўтқазсак бўлар экан.

Хозир 10 тупдан ортиқ мевали дараҳтга эга бўлган, ҳар йили баракали ҳосил олаётган 484 та хонадон бор. Маҳалламида мактабнинг 20 сотих майдонидан 387 нафар ўқувчи ҳамда 24 ўқитувчи-ю ходимни самарали фойдаланиши даъват этапмиз. ММТП, гузар, иккита савдо шохобча атрофидаги кўчат ўтқазса бўладиган жойларнинг ҳам ҳисобини олдик. Маҳалламида ақа-ука Абдулхалим ва Абдулхалим Кодировлар Кўкон гилос, Дилшодбек Комилов хурмо, Солижон Ўрмонов ва Рўзибой Иброҳимов узум парваришлаб, кўни-қўшинининг кўнглини олиш билан бир қаторда, бозорга маҳсулот етказиб беришнинг ҳам уддасидан чиқяпти. Уларнинг тажрибасини оммалаштиришимиз керак. Эндиликда тумандаги ўсимликларни ҳимоя қилиш ҳамда кимё идоралари мутахассислари билан бамаслаҳат шохобча ташкил қилиш чораларини кўрояпмиз.

Зокиржон КЕНЖАЕВ,  
Олтинкўл тумани Охунбобоев қишлоғидаги «Қайирма» маҳалла фуқаролар йигини раиси

Мамлакатимиз ёшларининг ҳар томонлама баркамол ва етук кадрлар бўлиб вояга етиши, жамиятда ўз ўрнини топишида касб-хунар колледжлари мухим аҳамият касб этади. Бугун қайси туман ёки хўжаликка борманг, жамоли кўзни кувнатадиган замонавий колледжларни кўриб, дилингиз яйрайди.

Чирокчи туманинадаги Кўкдала ижтимоий-иқтисодий ва педагогика касб-хунар колледжи шулар жумласидандир. Кўкдала ҳудуди асосан лалми ерлардан иборат бўлиб, сўнгги йилларда аҳоли плёнка остида тарвуз етиштириб, республика бозорларини ширин полис маҳсулоти билан таъминлаб келмоқда.

Лалмининг коллежга нима дахли бор, деган ўринли савол туғилиши табиий. Бугун коллежга қадам кўйсангиз, яйдоқ чўлни эслатадиган лалми ерларни эмас, балки обод гўшани кўрасиз. Ёзда келсангиз, ҳосилини кўтара олмай турган зардолилар кўзингизни кувнатади.

## Кўкдалада



Умумий майдони 9 гектар бўлган таълим масканининг 4,1 гектарида ўқув ва ёрдамчи бинолар жойлашган. Коллан беш гектар майдон ободонластирилган бўлиб, улкан боғ ҳайратингизни оширади.













**К**ундалик ҳаётимизда ўнлаб географик номларга тўқнаш келсак-да, уларнинг келиб чиқиши ва маъноси ҳақида кам мушоҳада қиласиз. Қадим Кармананинг Гал-гал, Майизак, Бичамчи, Санѓбур каби тоголди адиrlари ўз бағрида бебаҳо тарихни «кучоқлаб» ётибди. Кўйида шундай манзиллардан бири Санѓбур тўғрисида фикр юритамиз.

Санѓбур сўзи форс-тохик тилидан келиб чиқиб, «санѓ» — тош, «бур» — кесувчи маъносини билдиради. Санѓбур адиrlиги Кармана шаҳридан 11-13 км. жанубда жойлашган бўлиб, ҳудуддан шимолга қараб бир вақтлар Санѓбур сойи доим оқиб турган. Ҳозир эса фақатгина ёғингарчилик кўп бўлган пайтда сув келади.

Санѓбур адиrlигини маълум ва машҳур этган ажойиб хусусият тўғрисида тўхталсак. Бу ердаги катта майдон юзаси қизиғи тупрок билан қопланган бўлиб, 40-60 см. чукурликда гранит тошлари қатлами бор. Маълумки, гранит курилишда, ҳайкалтарошлиқда ишлатилади. Маҳаллий ҳалқ ўртасида «кунжуттош» номини олган хом ашёдан тегирмон тоши тайёрланади. Зотан, у жуда қаттиқ бўлиши, тарошланганда синиб кетмаслиги лозим. Аждодларимиз кунжуттошнинг шундай хусусиятларга эга эканлигини жуда яхши билишган.

Одамлар буғдойни ун қилиб эзиз, non пиширишни ўргангандан даврдан бошлаб шундай қаттиқ тошни ахтаришган. Эл ўртасида бу тош тўғрисида турил афсоналар тўқилган: Инсон кунжуттошни ахтариб, киру адир, тогу далани кезади. Ҳеч қаердан топа олмагач, хориб ухлаб қолади. Унинг тушига бир гўзал кийик киради. Кийик тилга кириб: «Эй инсон, ўрнингдан тур! Оллоҳ сенинг хайрли иш учун ма-

# САНЃБУР МЎҶИЗАСИ

шаққат торганингни кўриб турибди. Ахтараётган тошинг фалон жода яратилган», деб ғойиб бўлибди. Инсон кийик айтган жойга бориб, ерни ковласа, ҳақиқатдан ҳам кунжуттош бор экан. Кўпчилик мазкур мўъжиза юз берган жой ҳозирги Санѓбур эканлигига ишонади.

Санѓбур сойининг ҳар икки томонида ҳам тегирмон тоши ковлаб олинган майдонлар кўзга ташланади. Тахминан 400x400 метр майдонда, айниқса, кўп жой ковланган, айрим конларнинг чуқурлиги 7-8 метргача боради. Эски конларда тайёрлаш пайти шикастланган, чала қолган тегирмон тошларини учратиш мумкин. Қазиб олинган худудларга

қараб хулоса чиқариш мумкини, яқин-атрофда бошқа кунжуттош конлари йўқ. Очик хаводаги мазкур «устахона» нодир тарихий обьект сифатида ҳам қимматлидир. Бу ерда ясалган тегирмон тоши Самарканду Бухоро, Қаршию Термиз, Фарғона-ю Ўшга қадар олиб кетилганини иnobatiga олсак, балким бундай жой Ўзбекистонда ягонаиди.

Энди бу ердан топилган сопол парчалари ва ишлов берилган тош бўлакларига эътиборингизни қаратсак. Санѓбур сойидан шарқ томонда бир неча жода эски уйлар қолдиқлари бор. Сойга яқин жода кўмилиб кетган ховуз ўрни ҳам билиниб турибди. Ховуздан 200-300 м шимолроқдаги тепага чиққанимизда, ҳар хил сопол пар-

чалари сочилиб ётганини кўрдик. Ҳунармандчилик, ишлаб чиқариш изларига қараб, бу ерда бир замонлар катта манзилгоҳ, балким Санѓбур шаҳри бўлгандир, деб тахмин қилиш мумкин. У ердаги сопол парчалари орасидан бирортаси ҳам сирланмаган, ҳатто бўялмаган. Ва-

мумкин эди. Энди улар ҳам йўқ.

Тош йўниши касб қилган усталар асосан Каловот маҳалласида яшашган. Мулло Шер (тажминан 1840 йилларда яшаган), Уста Муртозо (1875 йиллар), Эшон Муртозоев (1907-1984 й), Рўзи тоғчи, Ҳақберди Польон, Тош Бозоров, Намоз Узоқов, Маҳмуд Эшонов, Маҳмуд Аминжонов сингари тош йўнуви усталарни Кармана ва унинг атрофларида яхши билишади. Тош йўниши жуда машаққатли ва оғир бўлиб, устадан каттиқ ирова, кўп куч талаб қиласи. Ҳар бир уста бир ўзи йилига ўртacha 3-4 та тегирмон тоши, 5-6 та каш-каш тоши ёки 13-14 та яғирчоқ тоши тайёрлаши мумкин.


Бир неча гектар майдонда сочилиб ётган ноёб тошларни келажак авлодга тарихий ёдгорлик сифатида етказиш бурчимиздир. Бунинг учун, аввало, уни тарихий ёдгорлик сифатида рўйхатга олиш ва ўша худудни табиий муҳофаза зonasи деб эълон қилиш зарур. Санѓбурдек мўъжизанинг қадрига этиб, саноат корхоналари томонидан ҳароб этилишини олдин олиш чора-тадбирларини белгилашмиз керак.

Акс ҳолда, келажак авлодларимиз кунжуттошларнинг вазифаси нимадан иборатлигини унтиб бораверишади, худдик қадимда Пасха оролларida барпо этилган улкан тош устунлар ким томонидан, нима мақсадда килингани бугун тарих сирига айланганидек...

**Шуҳрат ХАЛИЛОВ,  
Давлат мұассасалари  
ва жамоат хизмати  
ходимлари касаба  
уюшмаси Навоий  
вилоят кенгashi раиси**

Истиқлол шарофати билан Қашқадарёда 20 га яқин сайёҳлик компаниялари, ташкилотлари тузилиб, фаолият кўрсатса бошлади. Замонавий меҳмонхоналар, дам олиш масканлари кўпайиб, сервис хизмати кўрсатиш яхшиланиб бормокда. Айни пайтда ўндан ортиқ туристик маршрутлар мавжуд.

# Дунё сайёҳларини жалб қилган воҳа



— Октябр ойида Тошкент шаҳрида «Ипак йўли туризм»ининг 16-халқаро туристик кўргазмасида қатнашиб, ҳунармандчилик маҳсулотлари ва турли хилдаги реклама ҳужжатлари, булетлар ва роликларимизни намойиш этди, — дейди «Ўзбектуризм» миллий компанияси Қашқадарё вилоят сайёҳлик ва экскурсиялар бюроси раҳбари Ўқтам Ҳўжаёров. — Халқаро кўргазмада мұассасамиз маҳсус диплом билан тақдирланди.

Ҳар йили вилоятга 9500-10000 нафар чет эллик меҳмонлар, республикашим шаҳар ва қишлоқла-

ридан 25000-30000 нафар киши саёҳатга келиб кетади. Уларга намунали хизмат кўрсатиш соҳасида ибратли ишлар амалга ошириляпти. Бугунги кунда бу бўйича саёҳатчиларга 1 миллиард 199 миллион сўмлик туристик хизмат кўрсатилиб, экспорт хизмати ҳажми 200,7 минг АҚШ долларини ташкил этди.

«Ўзбектуризм» миллий компанияси Полша давлати билан ҳамкорликда Шаҳрисабз шаҳрида 60 ўринли меҳмонхона курилишини ниҳоясига етказди. Қарши шаҳрида «Nasaf-Travel» компанияси томонидан ички ин-

вестициялар ва кредит ҳисобига уч ўлдузли 60 ўринли меҳмонхона бунёд этилмоқда.

Янги туристик маршрутлар очилиб, сайёҳларга хизмат кўрсатётган ходимларни ўқитишига, малакасини оширишга жиддий аҳамият бериляпти. Туристик ташкилотларга 40 дан ортиқ замонавий автобуслар келтириш режалаштирилган.

— Шаҳрисабздаги ЮНЕСКО рўйхатига киритилган обидаларни кўриб, беҳад ҳайратландик, — дейди бразилиялик саёҳатчи Лижия Фонсека. — Буюк жаҳонгир Амир Темур барпо этган Оқса-

рой, Жаҳонгир мақбараси, Доруссаодат, Шайх Шамсиддин кулол мақбаралари, Гумбази Сайдон, Дорул-Тиловат ёдгорликлари, Амир Темур номидаги моддий-маданият музейи жойлашган Чубин мадрасаси, ундаги қимматли экспонатлар катта таассурот қолдириди.

Дарвоҷе, Шаҳрисабзда Ўзбекистон-Германия ҳафталиги доирасида машҳур немис композитори Георг Фридрих Гендель ижодига багишлаб ўтказилган концертда кўплаб чет эллик сайёҳлар қатнашдилар.

**Иzzat ҲИҚМАТОВ**







